

PLOANIES DA SAN MARTIN Y DA LUNGIARÜ INFORMAZIUNS

Do na reuniun di surastanc di consëis de ploania d'Al Plan, La Pli, Lungiarü y San Martin cun le ploan siur Klaus Sottsas vëgnel dé chëstes informaziuns, che vel por San Martin y por Lungiarü:

- Tan inant ch'ara vá, gnarál tigní inant i orars da sëgn dles mësses y dles funziuns sacres.

- Vigni pröma domënia dl mëis vëgnel siur Klaus a zelebré la gran mëssa y ince en San Stefo da Nadé. Le calënder por les atres gran festes gnará fat plü inant.

- Por **festes da bato**, por ciafé l'öre **sant** y por **sopoltöres** él da contaté siur Heinrich (telefon de calonia: 0474 453003 o handy 339 65 74 213). Pro la mëssa de sopoltöra sará presënc trami i proi, tan inant ch'ara vá. Col tëmp gnarál definí danfora les domënies ch'al vëgn batié.

- Por fá fora dates y dljies por na **fiesta da noza** él da s'anunzié pro siur Klaus (tel. 34415 54 055 o ksottsas@yahoo.de). La mëssa da noza y eventualmënter la mëssa por i nüc mëss gní paiada tla ploania, te chëra ch'ara gnará zelebrada.

- Les dates dla **Pröma Comuniun** é: 10 de ma 2020 a San Martin y 17 de ma 2020 a Lungiarü.

- Les mësses a d'intenziun pó gní paiades vigni domënia do mëssa tles döes calonies.

- N iade al ann s'abinará siur Klaus cun i **consëis de ploania** da San Martin y da Lungiarü a na sentada deboriada; la pröma sará ai 3 de dezëmber a San Martin. Pro les atres sentades di consëis de ploania sará siur Klaus presënt tan inant ch'ara vá. Siur Heinrich fej sambëgn ince pert di consëis de ploania.

- Siur Klaus fej pert dl **comité por la cortina** de trami i paisc.

- Le **tema dl ann dla diozeja** é: Auf dein Wort hin: gemeinsam glauben, leben, lernen. Sön tûa parora: crëie, vire y imparé deboriada.

Otober 2019 siur Klaus y siur Heinrich cun i Consëis de ploania

I ciaféis chiló injunté le program dl'EDEMA DLA FEDE 19-26 d'otober, a chëra che düc é bel inviá. Präibel, fajesse bele sëgn n pinsier y tignisse imënt les incuntades y les funziuns a chëres ch'i gnarëis a tó pert. Al é dis de grazia y ch'i n'orun nia se lascé sciampé.

Por d'atres comunicaziuns y informaziuns, ciarede tla pert daite dla plata.



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - ksottsas@yahoo.de
siur curat Heinrich Perathoner 339 6574213 (calonia S.M. 0474 453003)
redaziun: anton.gasser@rolmail.net - 348 27 44 517 / 0474 523 194

13.10. – 20.10.19 nr. 46

ultimo termo por comunicaziuns: jöbia dales 20.00
radio: 90,40 / 93,70



28^a DOMËNIA ia por l'ann C

Vangele do Lûca 17,11-19

Söl tru da jì a Ierusalem é Gejù passé danter la Samaria y la Galilea.

Canch'al orò jì te n païsc, ti él gnü diesc levrusc adincuntra.

Ai é stà chié dalunc y scraiâ: Gejù, maester, mënete picé de nos!

Canch'al i â odü, ti àl dit: Jide, mostrésse ai proi! Tratan ch'ai jò dai proi, ési diventà nēc. Mo un de chi à dè ota, do ch'al à odü ch'al é vari; y al laldâ Idî cun usc sterscia. Al s'à petè jö ia por tera dan i pîsc de Gejù y l'à rengrazié. Chësc ël é da Samaria.

Dailò à Gejù dit:

Ai é pö gnüs nēc düc diesc.

Olâ é pa i atri nû?

N'él stè degügn

che à dè ota por onorè Idî,

ater co chësc forest?

Y al ti à dit: Lê sö y va!

Tüa fede t'à salvé.



Le tru dla reconescënza, che vá derevers a dí dilan, é n tru ch'i se desmentiu ion ia.

Tofles de us y de rengraziamënc sö por i parëis di santuars desmostra ch'al n'é de chi che s'à recordé da gní ciamó n iade a dí dilan.

Y insció é gonot le tru derevers diventé le tru da jì inant.

Mia esistënza á plü valor sc'i m'intëni che mia vita, mia sanité né nia val' de logich.

Al n'é nia sté n caje che m'à cherdé adalerch y che m'à dé la vita.

Le tru de mi dilan vá a chirí la fontana da olach'i vëgni.

I viun düc de scincundes ch'i un ciafé zënza s'les mirité.

I podun les tó zënza s'un fá val' adinfora,

mo ares pó ince nes mëte a ponsé do

y ester na gaujiun da jì a chirí le datur che m'les á dades.

41 ^a Edema dl ann liturgich	SAN MARTIN	LUNGIARÜ	COMUN: I litadus che oress gní scric ite tl album di cumpèdausc pro les lîtes dess fá domanda te comun cina ai 30.11.19, y chi che foss a ôna da surantó l'inciaria de presidënt de seziun litala cina ai 31.10.19. I scric ite, resta scric ite. La doturia Grete Mahlkecht é demez dai 21 ai 25 d'otober y vëgn sotituida dal dotur Eduard Agreiter 333 13 80 852 L'apoteca Pütia a Picolin é stlûta dai 21 ai 27 d'otober Domisdé d'informaziun sura le Fond Sanitar Integratif por i dependënc publichs Sanipro tla Ciasa de Palsa en jöbia, ai 17 d'otober, dales 15.00. SAN MARTIN La Uniun dles Êres y di Êi inviëia ala festa di maridá iubilars en domënia, ai 20 d'otober. Anunziesse cina ai 16/10 pro Leo 348 40 96 351 o Rosa 320 37 15 113 Le KVV da San Martin vá en mercui, ai 16 d'otober, en jita, cun la coriera dales 7.50 dala Burcia cina Verdings; ciarede plü avisa tl'ultima plata. Prenotesse pro Hilda o pro Ludwig cina ai 14 d'otober. LUNGIARÜ En chësc altonn él da lite danü le consëi dla Uniun dles Êres. Porchël vëgnel chiri êres che ess interes y ligrëza da sté ite tl consëi y dé n contribut al'ativité dla uniun. Interessades é periades da s'anunzié pro les surastantes. ----- Le Salf protezioné La Spona chir restli de ciandëres o cëra por fá de vigni sort de patüc. Chi che n'ess pó le dé jô ite da La Spona a Pidrô dal lönesc ala jöbia dales 8.00 ales 15.00 y le vëndres cina misdé. I chirun ince na mascin da cují che funzionëia ciamó bun. - Dër bel dilan bele damperfora
13.10.19 28^a DOMËNIA DL ANN C	9.00 Corona d'otober 9.30 Gran Mëssa dla Comunité + Giovanni Pescoller y ++ Maria y Giovanni Verginer	<i>Segra - Anivers. consagraziun dla dljia</i> 7.55 Corona 8.15 Mëssa solëna dla Comunité <i>Oferta por le restaur dl ciampani</i> 15.00 Corona tla capela de S. Ujöp Fr.	
14.10.19 Lönesc <i>Gaudënz, Alan</i>			
15.10.19 Dedolönesc <i>Tarejia d'Avila, Aurelia</i>	19.30 Mëssa ++ Sepl y Maria Dejaco, Mair + Pire Unterweger		
16.10.19 Dedemesaledema <i>Margareta M. Alacoque, Hedwig</i>	18.00 Corona d'otober	7.50 Mëssa di scholars + Nisio Clara y dedô corona d'otober	
17.10.19 Jöbia <i>Ignaze d'Antiochia, Anselm</i>	7.30 Mëssa di scholars vis y def. families Perathoner y Prousch + Carlo Moling (dl ann) Corona por vocaziuns		
18.10.19 Vëndres <i>Lüca vangelist, Pire</i> Confesciuns sö Oies 16.30 - 18.00 <i>cun siur Heinrich Ellecosta</i>	18.30 Adoraziun chîta 19.00 Adoraziun deboriada	7.30 Mëssa dl ann ++ Florian y Anna Clara	
19.10.19 Sabeda <i>Paul dla Crusc, Isach</i>	15.30 Mëssa tla Ciasa de Palsa 18.30 Mëssa prefestia dl ann + Davide Costalunga, Planac	20.00 Mëssa prefestia + Giuvani Costa	
20.10.19 29^a DOMËNIA DL ANN C SEGRA DE DÜC DOMËNIA DLES MISCIUNS	<i>Festa di maridá iubilars</i> 9.00 Corona d'otober 9.30 Gran Mëssa dla Comunité <i>Oferta por les Misciuns</i> dl ann + Cristina Conrater	<i>Festa di maridá iubilars y dla racoiüda</i> 7.55 Ora de rengraziamënt 8.15 Gran Mëssa dla Comunité <i>Oferta por les Misciuns</i> 15.00 Corona tla capela de S. Ujöp Fr.	